



გამოდის 1993 წლის მარტიდან
2000 წლის მარტიდან გამოდის თვეში ორჯერ

გაზეთის ელექტრონული ვერსია ინტერნეტში:
WWW.opentext.ge/menora

מנורה

מנורה

ებრაული გაზეთი საქართველოში	“מנורה”	“МЕНОРА”
MENORA JEWISH NEWSPAPER IN GEORGIA	עיתון יהודי	ЕВРЕЙСКАЯ ГАЗЕТА
	בגורר	В ГРУЗИИ

ოქტომბერი
(ხეშვანი)
15-30
№20 (284)
(5769 წელი)
2008 წელი
ფასი 50 თეთრი

ისრაელის საელჩოს პრესრელიზი

ისრაელის ელჩმა იცხაკ გერბერგმა

საქართველოს პრეზიდენტს, მიხეილ სააკაშვილს
რწმუნებათა სიგელი გადასცა



2008 წლის 7 ოქტომბერს ისრაელის საგანგებო და სრულუფლებიანმა ელჩმა საქართველოში იცხაკ გერბერგმა საქართველოს პრეზიდენტს, მიხეილ სააკაშვილს რწმუნების სიგელი გადასცა.

ოფიციალური ცერემონიალის დასრულების შემდეგ საქართველოს პრეზიდენტსა და ისრაელის ელჩს შორის გაიმართა საუბარი, რომელზეც მხარეებმა ორმხრივი ურთიერთობის საკითხები განიხილეს და იმედი გამოთქვეს, რომ ტრადიციულად არსებული ურთიერთობა ორ მეგობარ ქვეყანას შორის სამომავლოდ უფრო გაღრმავდება და ორმხრივი თანამშრომლობის ყველა სფეროს მოიცავს.

ოვალია იოსაფი — ისრაელის დიდი რაზინი, თორის მცოდნეთა საბჭოს პრეზიდენტი იერუსალიმი, 7 ელული 5768

კურთხევის წერილი

ჩვენს ძმებს საქართველოში ისრაელის დიდი სახლელიდან. სამარადისო მშვიდობა თქვენ!

ახალი - 5769-ე წლის დამდეგს - მსურს დავლოცო ჩვენი წმინდა თემების ყველა წარმომადგენელი და იმ ქვეყნების მცხოვრებლები, რომლებშიც ისინი ცხოვრობენ.

გისურვებთ ბედნიერ წელიწადს, ჯანმრთელობას, წარმატებებს, დოვლათსა და ბარაქას. თქვენი ხელიდან გამოსულ ყველა ნამოქმედ-

ერსა და ნაღვანს ახლდეს ყველანაირი ლოცვა-კურთხევა. დამთვრდეს წელი თავისი უსიამოვნებებით და დადგეს წელი თავისი კურთხეული კეთილდღეობით. გქონდეთ უღევი სიხარული, გაგიგრძელდეთ სიცოცხლის წლები და დღეები. ბედნიერებით, სიმდიდრით, პატივისცემით, უთვალავი წარმატებებითა და კარგი გუნება-განწყობილებით, დიდი კეთილდღეობით.

რაზინი ოვალია იოსაფი
7 ელული 5768 წელი



ამ დღეებში ებრაელობა
იწყებს მარადიული
წიგნის - თორის - ძველი
აღთქმის ხითხვის
ახალ ციხლს.
ხელახლა ვუხიარებით
ღვთისაუღმრთელებს.
მრავალგზის!

საქმიანობა დღესასწაულებს მიეძღვნა

ებრაულ სახლში საზეიმოდ აღინიშნა რომ-ჰაშანის დღესასწაული. დარბაზში სუფრას უსხდნენ ქართველებრათა წარმომადგენლები, საზოგადო მოღვაწეები. თითოეულ მაგიდას ამშვენებდა რომ-ჰაშანისთვის შესაფერისი ტკბილეულობა და ხილეული. სტუმრებს შორის იმყოფებოდა: ისრაელის სრულუფლებიანი და საგანგებო ელჩი საქართველოში — იცხაკ გერბერგი მეუღლესთან — შიფი გერბერგთან ერთად

სალამო გახსნეს მუსიკოსმა ედუარდ პალნტახინდომ, რომელმაც ულამაზესი მელოდიები შეასრულა ვიოლინოზე და მომღერალმა მარიკა მირველაშვილმა, მან ცნობილი ებრაული და ქართული სიმღერები ააუღერა.

სალამოს წამყვანმა — ზაირა დავარაშვილმა თქვა:

— მიხარია თქვენი ხილვა თბილისის ებრაულ სათემო სახლში, გამოგიტყდებით, რომ ბევრი არ გვიფიქრია იმაზე, თუ, როგორ უნდა დაგვეწყობა დღევანდელი სალამო, რამეთუ გაიჟღერა იმ მელოდიებმა, რომლებიც არაერთხელ მოგისმე-



დღებას იმსახურებს. მე შევხვდი პრეზიდენტ სააკაშვილს და ისრაელის სახელით შევპირდი, რომ ყველაფერს გავაკეთებ თქვენს დასახმარებლად. ვაღიარებ რომ წლის დასაწყისი არ არის სახარბიელო, მაგრამ იმედს ვიტოვებ, რომ ყველაფერი კარგად იქნება. გილოცავთ ახალ წელს.

შეკრებილთ ახალი წელი მიულოცეს ბეით-ქნესეთის გაბაიმ — შალვა ქოსაშვილმა, ებრაული სახლის დირექტორთა საბჭოს თავმჯდომარემ — რეზო შათაშვილმა.

ჯამლუტ ხუხაშვილმა, გურამ პაატაშვილმა, მიერ ზიზოვმა, ისაუბრეს იმაზე, თუ როგორ იბრძოდნენ ებრაული სახლის დაბრუნებისათვის და როგორ მიაღწიეს გამარჯვებას. ჯ. ხუხაშვილმა საზოგადოებრიობას გააცნო იმ ადამიანთა გვარები, რომლებიც მონაწილეობას ღებულობდნენ ებრაული სახლის დაბრუნებისათვის ბრძოლაში.

პროფკავშირულმა მოღვაწემ დანიელ (დენის) დავითაშვილმა კი ამ თემაზე გამომხველეებს მოუწოდა გამარჯვებას მხოლოდ თავის თავზე ნუ მიიწერენ და გაითვალისწინონ სხვათა ღვაწლიც — კერძოდ ისრაელის შრომის პარტიის ლიდერის ისრაელის ექსპრემიერის — ეჭუდ ბარაქის როლი, რომელმაც ამ საკითხზე მოლაპარაკება გამართა „ჯოინთის“ ხელმძღვანელობასთან.

პატარებმა — ქ-ნი ისრაელიანის აღსაზრდელებმა შეასრულეს ებრაული სიმღერები.

წარმოდგენილი იქნა მისალოცი ბარათები, რომლებიც თითოეულ სტუმარს დახვდა თავის მაგიდაზე, მოეწყო პრეზენტაცია ებრაული კალენდრისა, რომელიც დამზადებულ იქნა ალიკ ვლასოვის მიერ. ზ. დავარაშვილმა ისაუბრა სახლის იმ პროექტებზე რომელსაც, თბილისის ებრაული სახლი ახორციელებს. ზაირა დავარაშვილმა ხესედელი ქალბატონის მიერ მოქარგული რომ-ჰაშანისადმი მიძღვნილი ტილო წარმოგიდგინა.

ტრადიციულად ებრაულ სახლში გზას ულოცავენ იმ ებრაელ ახალგაზრდებს, რომლებმაც უმაღლეს სასწავლებელში განაგრძეს სწავლა. ამჯერად ებრაულ სახლს ესტუმრა სამი პირველკურსელი: ლიანა ჯანაშვილი, მაია ყვითელაშვილი და ლონა ჯანაშვილი.

სალამოს ბოლოს წაიკითხეს მადლობის ის წერილები, რომლებიც რეზო შათაშვილს გამოუგზავნეს, თბილისის „ხესედ ელიაჰუს“ საზრუნავმა პირებმა წაყოფიერი მუშაობის გამო.

თინათინ შინგალია



პარაკობ ქართულ ენაზე. მე ჩამოვედი საქართველოში ომის დროს, როცა ძალზე დაძაბული იყო მდგომარეობა, მაგრამ მას შემდეგ, რაც ხალხი გავიცანი, მივხვდი, რომ ყველაფერი კარგად იქნებოდა, იმ განსაკუთრებული ადამიანების გამო, ვინც ახლა აქ იმყოფება. ჩვენ ისრაელში აღვნიშნეთ რომ-ჰაშანა — ჩვენი ახალი წელი. ბევრი ძალისხმევა იქნება საჭირო როგორც აქ, ისე ისრაელში, რომ ეს წელი მშვიდობიანად და კარგად გავატაროთ. ჩვენ ყველანაირად შევეცდებით დავძლიოთ ის ეკონომიკური კრიზისი, რაშიც ახლა ვიმყოფებით, განსაკუთრებით ჩვენი მეზობლების გამო. პრობლემები გვაქვს ირანთან. ირანი, მოგეხსენებათ, ამზადებს ატომურ იარაღს, რაც ჩვენს ყურა-

ნიათ აქ, ებრაულ სახლში. ამ მელოდიებს მე დავუმატებდი ერთ ფრაზას ებრაული სიმღერიდან: “ჩვენ კვლავ ერთად ვართ, მშვიდობა თქვენდა, მშვიდობა ყველას.” მე მინდა ერთი ლამაზი ებრაული გამოთქმით მოგილოცოთ ის დღეები, რომლებიც დაუდგა მსოფლიო ებრაულ სახლს, რომ გქონოდეთ ბედნიერი წელიწადი — 5769-ე წელიწადი ებრაული კალენდრით, თაფლივით ტკბილი, ბრონეულივით სავსე და ხალასავით მრგვალი. დიდი მადლობა მოზრძანებისთვის.

შეკრებილთ შემოდგომის დღესასწაულები მიულოცა მთავარი რაბინის მოვალეობის შემსრულებელმა საქართველოში ავიმელეს როზენბლატმა:

— მრავალი ლამაზი დღესასწაულის მომსწრენი ვართ ჩვენ, დაწყებული რომ-ჰაშანიდან დამთავრებული სუქოთით, რომელიც მალე დადგება. გისურვებთ კარგ, ლამაზ, სიხარულით აღსავსე წელიწადს, ეს წელი ყოფილიყოს წარმატებული, დალოცვილი ყველასათვის. ხვალ იწყება სუქოთის დღესასწაული, ეს არის ჩვენი სიხარულის დღესასწაული. ამ დღესასწაულით არა მხოლოდ ებრაელებმა უნდა გაიხარონ, არამედ ყველა ერის წარმომადგენელმა. ჩვენ ვიმედოვნებთ, რომ ეს წელი იქნება თითოეული ჩვენგანისთვის წამდვილი სიხარულის, ურთიერთგაგების და ბედნიერების მომტანი. კიდევ ერთხელ გილოცავთ ყველას.



ამის შემდეგ ზაირა დავარაშვილმა საზოგადოებას გააცნო საქართველოში ისრაელის სრულუფლებიანი ელჩის — იცხაკ გერბერგის ბიოგრაფია. ისრაელის საგანგებო და სრულუფლებიანი ელჩი საქართველოში იცხაკ გერბერგი ამბობს:

— მოგესალმებით, ძვირფასო მეგობრებო. ბევრ სახელმწიფოში მიმსახურია, თუმცა, თბილისში ჩამოსვლისთანავე ისეთი გრძობა დამეუფლა, როგორც არსად არ განმიცდია. დიდ ბოდიშს გიხდით იმის გამო, რომ ჯერჯერობით ვერ ვლა-



ალბათ იფიქრებ, ეს მიხონიანიკაშვილი კარგად ვერ არის, სულ ორი თვის უკან მასთან ვიყავი ისრაელში, ტელეფონზე თითქმის ყოველდღე ვსაუბრობთ და კიდევ წერილს მიგზავნიან. ეგრე არ იფიქრო, მე ძალიან კარგად, მეტად კმაყოფილი და გახარებული ვარ. ჯერ ჩვენი სპექტაკლის წარმატებით, ყველა ქალაქში, სადაც კი ჩავატარეთ ისეთივე ანშლავი და წარმატებაა, როგორც მოწმეც შენ იყავი, აქ ისრაელში, პრემიერის დღე. — გამობზაურება მოჰყვა და ბილეთები არ იშოვება. ეს, ისრაელის სინამდვილეში, ჯერ არ მომხდარა. არც ჩემს ყოფილ თეატრში (მაშინ საკმაოდ მყავდა მაყურებელი, მაგრამ ამდენი — არა) და არც სხვა თეატრალურ დასებში. ამ წარმატებას მიუმატე ისეთი მეგობრის, როგორც შენ ხარ, ყოველმხრივი მხარდაჭერა და აქ ჩამოსვლა პრემიერაზე. მართლაც, ხომ დიდია ასეთი სიხარული? ყოველ შემთხვევაში, ჩემთვის ასეა.

ნება მომეცი, კიდევ ერთხელ გადაგიხადო უღრმესი მადლობა იმ ეკონომიური, სულიერი თუ მეგობრული დახმარებისათვის, რომელიც შენ გამოიჩინე. ესეც იცოდე, ამით მარტო მე და ჩემს კოლექტივს კი არა, ისრაელში მცხოვრებ მთელ ქართველ ებრაელებს და საქართველოს გაუწიე უდიდესი სამსახური იმ წვლილით და თანადგომით, რაც შენ განიე ამ სპექტაკლის შექმნაში. ამისთვის ჭირიმე უნია!

ამ წერილს, კიდევ ერთი, ძალიან სერიოზული მიზეზის გამო გწერ. გთხოვ, ყურადღებით წაიკითხო და იფიქრო, როგორ შეიძლება დამეხმარო, არა, მე კი არა, დავეხმაროთ ერთმანეთს, ჩემი ამ, არცთუ ისე ადვილად გადასაჭრელი მოსაზრებისა და თხოვნის განხორციელებაში.

დღეისათვის ისრაელში საქართველოდან ამოსულია 100.000-მდე ქართველი ებრაელი.

ამ 35-37 წლის მანძილზე, ამოსულთაგან, მრავალი უკვე გზამართალს დაადგა, მრავალი ღრმად მოხუცდა, ჩემი თაობის კიდევ რამდენი, ან რამდენ ხანს ვიქნებით კიდევ? (უკვე 60 წლის ასაკს მივალწივით). ისინი, ვინც მცირეწლოვანი ჩამოვიდა, ისრაელის მენტალიტეტით იზრდებოდა და ქართულ ენას თუ წეს-ჩვეულებებს კარგავს, აქ დაბადებულებზე ხომ ლაპარაკი ზედმეტია. ამით იმის თქმა მინდა, რომ ქართული ენა, კულტურა თუ ფოლკლორი ძალიან ჩქარი ტემპით დაადგება მივიწყების გზას, უმოწყალოდ იკარგება...

ადრე, როდესაც ახალი ჩამოსულები ვიყავით, იცოცხლე, მრავლად იყო ქართული ფოლკლორისა თუ სასცენო ხელოვნების სხვადასხვა მხატვრული კოლექტივები. 16 ცეკვის ანსამბლი, ამათგან ერთი, ძმების — ილია და ლალო ნამთალაშვილების ხელმძღვანელობით, ამერიკასა და სხვა ქვეყნებშიც კი იყვნენ გასტროლებზე, ეს ანსამბლი იყო თელ-ავივიში. ახლა კარგა ხანია აღარ არის. ილია ღრმად მოხუცდა, ლალო კი გარდაიცვალა. იერუსალიმში, ქორეოგრაფ მიხეილ სეფიაშვილის ხელმძღვანელობით იყო შესანიშნავ ბავშვთა ქორეოგრაფიული ანსამბლი, არც ეს ანსამბლი არსებობს. რამდენსა და ორი-

დაში ქორეოგრაფი სიმონ ჯანაშვილი ხელმძღვანელობდა. ახლა მას მხოლოდ რამდენიმე შემორჩა ანსამბლი და ისიც გაჭირვებით არსებობს. ხაიფაში — შოთა მანაშვილმა ჩამოაყალიბა ცეკვის ანსამბლი, რომელმაც ძალზე ცოტა ხანს იარსება. შემდეგ კი, ისევე ხაიფაში — დავით დათიამ-ვილი ხელმძღვანელობდა ცეკვის ანსამბლს, რომელიც მოკლე დროში დაიხურა. მას შემდეგ ხაიფის ოლქში, ქორეოგრაფი შოთა წვენიასვილი აყალიბებს ბავშვთა ქორეოგრაფიულ ანსამბლს, რომელმაც დიდხანს იარსება, მაგრამ დღეისათვის აღარც ის არსებობს. ბეერ-შევაში, ქორეოგრაფი — შალვა ეფრემაშვილი მრავალი წელი ხელმძღვანელობდა ბავშვთა ანსამბლს, ხოლო მისი გარდაცვალების შემდეგ, მისი ვაჟი — დავით ეფრემაშვილი აგრძელებს მამის დაწყებულ საქმეს. ამდროში კი ქორეოგრაფი ანზორ ტორიკაშვილი, შემდეგ სიმონ ჯანაშვილი ხელმძღვანელობდ-

ბის დოქტორის იცკა ათანელოვის და ასევე ცნობილი მომღერლის — ავთანდილ ქოსაშვილის ხელმძღვანელობით. ამ კვარტეტმა, თავისი არსებობის მანძილზე, საზღვარგარეთის მრავალი ქვეყანა წარმატებით მოიარა, მაგრამ, სავალალოდ, დღეისათვის აღარც ეს კვარტეტი არსებობს. დაახლოებით ერთი წლის წინათ შეიქმნა დუეტი, მომღერალი ქალის, ლუიზა მანაშვილის და ალექს პელეგის შემადგენლობით, დუეტი ისრაელის მაყურებელთა შორის წარმატებით სარგებლობს, ეს დუეტი ძირითადად დაფუნდებულია და ასრულებს ამავე დუეტის დამაარსებლის, ხელმძღვანელის და მომღერლის, წარმატებული კომპოზიტორის, ალექს პელეგის და ქართველი კომპოზიტორების ნაწარმოებებს.

ისრაელში ასევე არიან ქართველი ესტრადის მომღერლებიც: მორის ჯანაშვილი, კაკული გურიელაშვილი, ილია მანკე-პლაშვილი, ბუჭუნა მოშიაშვილი,

მოადგილე, ბ-ნი შალომ დავიდი უნეცს მფარველობას.

ზური ბოთერაშვილი კი, როგორც ზემოთ აღვნიშნე, ამდროში გადავიდა, იქ ნაზი ნანიკაშვილთან ერთად შექმნეს მუსიკალური კომედიის თეატრი, რომელსაც დღეს „კამერულს“ უწოდებენ.

რამდენიმე თვეა ბერ-შევაში სიმონ ქოსაშვილის ხელმძღვანელობით შეიქმნა კიდევ ერთი თეატრალური კოლექტივი, ეს კოლექტივიც ადგილობრივი მუნიციპალიტეტიდან იღებს დაფინანსებას.

1978 წელს, ამოვედი თუ არა ისრაელში, 6 თვიანი ულფანის (ენის შესწავლის კურსი) დამთავრებისთანავე, ჩამოვყავილბე თელ-ავივის ქართულენოვანი თეატრი, რომელიც 10 წლის იუბილეს (1988 წელს) ესწრებოდნენ საქართველოს თეატრის მოღვაწეთა კავშირის თავმჯდომარე გიგა ლორთქიფანიძე, ბ-ნი რამაზ ჩხიკვაძე, ბ-ნი სანდრო მრეველი-

ტალიტეტი უნდა ვიცხოვროთ, მაგრამ სადღაა საქართველოში გატარებული 2600 წლოვანი თანაცხოვრება, ყოველივე ქართულის შესისხლობრცება და ის ძმური სიყვარულით გაჟღერებული გრძობა, რომლითაც ასე ვტრიაბახობთ, ჩვენ აქ და თქვენ მანდ? არა, ყოველივე ეს გრძობა ფაფუკი, თბილსა და ტკბილ გაფრთხილებას და მოვლა-პატრონობას იმსახურებს.

აი, რატომ გწერ ასე ვრცლად, მინდა შენ და კიდევ მრავალმა ქართველმა იცოდეს, რომ აქ, ისრაელში, ცხოვრობს და იღვწის (მეტ-ნაკლები შესაძლებლობებით) ყველა ის ზემოთ ჩამოთვლილი და კიდევ ბევრი სხვა ადამიანი, საკუთარი ოჯახის, შვილების, შვილიშვილების, საკუთარი ჯიბის, ენერჯის და შრომის ხარჯზე. ისენი მაქსიმალურად უფრთხილდებიან, უნარჩუნებენ და ცდილობენ გაავრცელონ, მომავალ თაობას გააცნონ და გადასცენ ქართული ენის, კულტურის და ხელოვნების სილამაზე და სიღრმე.

მჯერა, რომ ცოტა თუ ბევრად დაგისურათ ჩვენი ხელოვნების მუშაკების და მოყვარულების შრომა და წვალაბა. მათში ყველაზე ცოდონი და უსუსურები თეატრალური კოლექტივებია, რადგანაც ქორეოგრაფიული თუ მუსიკალური კოლექტივები, მეტ-ნაკლები შემოსავლიანობით სარგებლობენ, რადგან მათ საშუალება აქვთ სხვა თემების აუდიტორიის წინაშეც გამოვიდნენ, ამაში ისინი საზღაურს იღებენ, მონაწილე ბავშვები სწავლების საზღაურს იხდიან, ამასთანავე, ცოტაოდენი, მაგრამ მაინც, სუბსიდირებით სარგებლობენ. თეატრი კი დამოკიდებულია მხოლოდ და მხოლოდ ქართულენოვან მაყურებელზე, რაც დღითიდღე კლებულობს. ამასთანავე, ზოგს აქვს სუბსიდირება, ზოგს — არა. ხელმძღვანელი, რა თქმა უნდა, ვერ გაუძღვება ამდენ ხარჯს. ამიტომაც ვერც ერთი კოლექტივი ვერ ქმნის სათანადო დონის დადგმებს. ეს ჩვენ ვარქმევთ თეატრს, თორემ, კვირაში რომ ერთ რეპეტიციას გამართავს, ან წელიწადში ერთ ან ორ სკეტჩს დადგამს, რაის თეატრი უნდა ერქვას ასეთ კოლექტივს?

როგორც ხედავ, უკვე ბევრი რამ ქართული დაიხურა და გაქრა, სხვადასხვა მიზეზის გამო.

ისრაელის სახელმწიფოს არ ძალუძს სხვა ქვეყნების, ერების კულტურა და ხელოვნება აარსებოს და განავითაროს. მართალიც არის. მისი ამოცანაა ისრაელში ამოსული ებრაელობის დროულ, სწრაფ აბსორბციას მოახმაროს ფულადი თუ სხვა სახსრები, და არა მათი წარმომავლობის ქვეყნების კულტურის, ენის და ხელოვნების განვითარებას. აქ ხომ მსოფლიოს ყველა კუთხიდან ჩამოდიან და როგორ შეიძლება ასეთმა პატარა სახელმწიფომ, მსოფლიო ენები, კულტურა და ხელოვნება დააფინანსოს და აარსებოს?

თუ მოხდა და რომელიმე ქართველი ებრაელი „პოლიტიკოსის“ ან რომელიმე ქართული გაერთიანებისაგან მიიღებ რაიმე დახმარებას, იცოდე, სულით ხორცამდე მას უნდა ეკუთვნოდე, გამოვხალ მხოლოდ

სალამი და გამარჯვება ჩემს ძმას კაკოს! ბატონ აკაკი იობაშვილს

საკითხი, ნოქალიც ვანსჯას პოიტიოსუს

ნენ ანსამბლებს, ქართველებით ყველაზე მეტად დასახლებულ ამ ქალაქებშიც კი (30.000-ზე მეტი), დიდი ხანია აღარ არსებობს ანსამბლი. აშკელონში, ჯერ ილია ელიშაყაშვილი, ხოლო მისი ავადმყოფობის შემდეგ ქორეოგრაფი გურამ მიხელაშვილი ჩაუდგა ანსამბლს სათავეში და დღემდე მუშაობს, გურამ მიხელაშვილი ასევე ხელმძღვანელობს ხულონის ცეკვის ანსამბლს. ლუდში. მუშაობს და ანსამბლს ხელმძღვანელობს მალვინა შამელაშვილი.

ბათ-იამში, ქართული კულტურის ცენტრში, რომლის დირექტორიც ბ-ნი ალბერტ შავიტი (ყვიტიაშვილი) გახლავთ, ბავშვთა ანსამბლს სიმონ ყვითელაშვილი ხელმძღვანელობს.

და ბოლოს, ამ ცოტა ხნის წინათ ასევე ბათ-იამში, ქორეოგრაფმა თამაზ ციციამ-ვილმა ჩამოაყალიბა ბავშვთა ქორეოგრაფიული ანსამბლი.

თუ ვინმე გამომჩნა, ბოდიშს ვიხდი მათთან.

ნახე, რამდენი იყო და რა ცოტადა დარჩა!

მიუხედავად იმისა, რომ ყველა ანსამბლი, ჯერ ბავშვებიდან იღებს ანსამბლის წევრობის გადასახადს, ასევე ქალაქის მუნიციპალიტეტი უხდის ხელფასს ქორეოგრაფს, ცოტა შემოსავალი კონცერტებზე არის, და მაინც, რამდენმა ვერ გაუძლო და დაიხურა. ამის მიზეზი, ალბათ, დრო და დაფინანსების უკმარისობაა — ფორმები, სარეპეტიციო დარბაზი.

ბავშვები იზრდებიან, ცვლა კი იკლებს, ქორეოგრაფები ბერდებიან, ცვლა კი არ არის.

ისრაელში, წლების განმავლობაში, დიდი წარმატებით სარგებლობდა ვოკალური კვარტეტი „კოლანი“, ან განსვენებული, საკმაოდ ცნობილი ხელოვანის, მუსიკათმცოდნეო-

ბადრი კაკიაშვილი, მამა-შვილი რომან და ზაზა ხუნდიაშვილები, იუზა მოშიაშვილი, მერაბ ყვიტიაშვილი, მალხაზ სეფიაშვილი და სხვები, რომლებიც, ძირითადად, ქორნილებში, ნიშნობებში, დაბადების დღეებზე გამოსვლებით გარანტირებენ თავიანთ არსებობას, კონცერტებში კი იშვიათად იღებენ მონაწილეობას. თვით კონცერტებიც ხომ ძალიან იშვიათად იმართება. ასევე გვყავს, საესტრადო ხელოვნებაში, იმედის მომცემი ახალგაზრდობა: რინატ ბარი, და-ძმა სივან და მიშელ გურიელი-აშვილები, რაფაელ მირელა (მირელაშვილი) და სხვები.

და ბოლოს, ქართული ენის, კულტურის, ფოლკლორის და სასცენო ხელოვნების, სინთეზურად, წარმომდგენ-შემნარჩუნებელი — თეატრი.

ქართულენოვანი თეატრი ისრაელში 1972 წლიდან არსებობს. ამდროში 1972 წლიდან, თეატრმოცოდნე, მირიამ ბათ-მოშეს, შემდეგ კი, მწერლისა და პოეტის იოსებ კრიხელის, ხოლო დღეისათვის ნაზი ნანიკაშვილისა და ზური ბოთერაშვილის ხელმძღვანელობით, მუნიციპალიტეტის და საზოგადოება „ნიული“-ს დაფინანსებით მოქმედებს თეატრალური კოლექტივი, რომელსაც „კამერულ თეატრს“ უწოდებენ. ხაიფაში, თითქმის 15 წელი მოქმედებდა თეატრი, რეჟისორ არკადი ნიწუაშვილის და დავით ხუბელაშვილის ხელმძღვანელობით. ამ კოლექტივსაც მუნიციპალიტეტი, მუშათა საბჭო და საქართველოდან გამოსულთა გაერთიანება, ბატონი რაფი ბალუას ხელმძღვანელობით უწევდნენ დაფინანსებას. დაფინანსება შეწყდა და ეს თეატრიც დაიხურა. დავით ხუბელაშვილი ხულონში არსებულ, ზური ბოთერაშვილის თეატრს შეუერთდა, შემდეგ კი, დამოუკიდებლად შექმნა გერცელ ბააზოვის სახელობის თეატრი, როელიც დღემდე მოქმედებს და რომელსაც ხულონის მერის

ისრაელში ცნობილი მსახიობი, რეჟისორი და თეატრალური მოღვაწე მიხეილ ნანიკაშვილი ამ წერილს წერს თბილისის დამოუკიდებელი უნივერსიტეტის — „იბერიას“ რექტორს — ბატონ აკაკი იობაშვილს

გაზეთი "მენორას" 15 წლისთვის ულოცავენ:

„მენორა“-ს — ებრაულ გაზეთს საქართველოში

ღრმად პატივცემულო ბატონო გურამ! გულითადად გილოცავთ თქვენ — მთავარ რედაქტორს და სარედაქციო ჯგუფს გაზეთის დაფუძნების მე-15 წლისთავს.

21-ე საუკუნის უსაზღვროდ ფართო არჩევანის საინფორმაციო წყაროთა მიუხედავად, ჩვენთვის — ქართულენოვანი მკითხველისათვის, ფრიად საინტერესო რჩება „მენორა“-ს ყოველი გამოცემა. ერთ გაზეთში მოათავსო მრავალნაზნაგოვანი, სხვადასხვა სფეროს აღმბეჭდავი ინფორმაცია და ამით კვლავ მიზანდასახული, არც ისე მარტივ ამოცანად მესახება, თქვენ ეს იდო მკითხველი, არც ისე მარტივ ამოცანად მესახება, თქვენ ეს პარმონია თავისთავად მოაუღინეთ. თქვენი გაზეთის მეშვეობით შესაძლებელი გახდა ქართველ-ებრაელთა ისტორიის, კულტურის და განვითარების უმთავრესი ეტაპების გაცნობა. არ გამოტოვებთ აქტუალური ამბების გაშუქებას საქართველოში, ისრაელში და მსოფლიოს მრავალი კუთხიდან წარმოადგენთ თემში მიმდინარე პროცესებს, მოგვითხრობთ მათ ღირსეულ წარმომადგენლებზე. დღეს ქართველი ებრაელობა ძალიან დაქსაქსული და გაფანტულია, მსგავსი ინფორმაცია ჩვენ გვაახლოებს, გვაცნობს ერთმანეთს და ამით უფრო ვძლიერდებით. ჩვენი თემის მრავალი უფროსი და საშუალო ასაკის წარმომადგენელი ჩვენი მომავალი თაობის დიდებისა და წინსვლის მაგალითი და სანინდარია.

ლიტერატურის სახელწიფი და სპორტი წარმატებულნი, რელიგიის მოღვაწენი და საზოგადოებრივი ორგანიზაციების ლონისძიებანი, გაზეთის მრავალი ნომრის მარგალიტად მოგვევლინება. გამოქვეყნებული მასალები ავსებს ჩვენს ცოდნას მიმდინარე პროცესებზე და შუქს ჰყვანს წარსულს, ანმეოსა და მომავალს.

ბატონო გურამ! გისურვებთ შემოქმედებით წარმატებებს და ველით ახალ-ახალ გამოცემებს.

თქვენი მკითხველი და პატივისცემელი დოქტორი დოდო ჩიკვიშვილი თელ-ავივის უნივერსიტეტი.



გულმხურვალედ ვულოცავ გაზეთ „მენორას“ რედაქტორს და მის კოლექტივს მოღვაწეობის 15 წლისთავს.

საინტერესო, მრავალფეროვანი პუბლიკაციებს შორის ჩემთვის ნიჭი გადმოგვცემენ ებრაელი და ქართველი ხალხის ისტორიულ ძმობას და ერთნარმოვლობას. ეს ყოველივე მიიწვევს იყო. ამ გაზეთმა კი გაარღვია ბევრი აკრძალული თემა, ფართოდ გადმოგვცემდა ისრაელთა და ივერთა გმირულ წარსულს.

მრავალწიფიერ ყოფილიყო „მენორა“, რათა მრვალჯერ გაეხარებინოს ჩვენი გულები, თორის მცნებათა ჭეშმარიტების ახსნა-გადმოცემით.

თ. მდინარაძე პროფესორი

ილია მოსიაშვილის მილოცვა გაზეთ „მენორას“

სულითა და გულით ვულოცავ გაზეთ „მენორას“, მის რედაქტორს ბ-ნ გურამ ბათიაშვილს და რედაქციის კოლექტივს გაზეთის 15 წლის იუბილეს. 15 წელი გაზეთის არსებობისთვის მეტად მნიშვნელოვანი თარიღია. „მენორამ“ რთული, საინტერესო გზა განვლო და მნიშვნელოვანი ადგილი დაიკავი ქართულ-ებრაულ საზოგადოებაში, ასევე, დიდ როლს თამაშობს ორი ქვეყნის თანამეგობრობის თითოეული ნომერი, როგორც დღეს არის. დღეს „მენორას“ მკითხველი ჰყავს საქართველო, ისრაელში, ქვეყნის ებრაელობის ცხოვრებას შეუღამაზებლად ასახავს თავის ფურცლებზე და ამით ინვესტს სხვადასხვა ქვეყნის მკითხველის ინტერესს.

ილია მოსიაშვილი ბიზნესმენი



„მენორა“ 15 წლისაა

ძვირფასო მკითხველო! 1993 წლის თებერვალში საქართველოს ებრაელთა მუზეუმის შენობაში შეიკრიბნენ თბილისის ებრაული თემის ლიდერები. შეკრების მიზანი იყო ქართულენოვანი ებრაული გაზეთის გამოცემა. ბევრი ვისაუბრეთ საკითხის ირგვლივ, გვენადა გაგვეკვია: საჭიროა ასეთი გაზეთის გამოცემა, თუ არა, შესძლებდა თუ არა საქართველოს ებრაელობა გაზეთის გამოცემას? იმ საღამოს შეხვედრა უშედეგოდ დამთავრდა. მომდევნო დღეს მე შეხვედი გურამ ბათიაშვილს. დიდხანს ვისაუბრეთ და გადავწყვიტეთ გამოცემის დაწყება. რამდენადაც სახელად „მენორა“ დაერქმეოდა. ლიყო გაზეთი, რომელსაც სახელად „მენორა“ გამოცემა ადვილი საქმე არ იყო: სტამბები არ უნდა ავლნიშნო, რომ იმ პერიოდში გაზეთის გამოცემა ადვილი საქმე არ იყო: სტამბები არ მუშაობდნენ, საგაზეთო ქაღალდის ყიდვაც კი შეუძლებელი იყო. მიუხედავად ამისა, ერთ თვეში ყველაფერი მომზადდა და 1993 წლის მარტში გამოვიდა „მენორას“ პირველი ნომერი. გაზეთი „მენორა“ უკვე 15 წელია საქართველოს და საქართველოში მცხოვრები ებრაელების ცხოვრების სრულყოფილი მემატიანეა. ბევრმა ქარბუქმა და სიძნელეებმა გადაიარეს შენს მხრებზე, მაგრამ ამან ვერ შეარყია შენი გამიზნული რწმენა ავსახა ამ მეტად რთულ პერიოდში მომხდარი, დაგეკავშირებინა საქართველო და ისრაელი, ქართველი და ებრაელი. დიდა გაზეთ „მენორას“ წვლილი ისრაელსა და საქართველოს შორის მეგობრული ურთიერთობის გაღრმავებაში.

ბატონო გურამ! გისურვებ შენ და „მენორას“ თანამშრომლებს მომავალშიც ასე წარმატებულად გააგრძელოთ „მენორას“ გამოცემა და მისი მკითხველისთვის მისია ჩვენი ორი ერის ორი ქვეყნის სასიქტით შეგვსრულებინოთ ეს ისტორიულად დაკისრებული დავა.

გიენაჰმ ელაზარი „ჯიონის“ პირველი წარმომადგენელი საქართველოსა და კავკასიაში

მე-4 გვერიდან იქ, სადაც მას სურს, იმეგობრებ მხოლოდ მასთან, ვისაც ის გეტყვის. ასეთი გაერთიანებები, იცოცხლე, ბევრი გეტყონდა და კიდევ ბევრი არსებობს. ბევრი ასეთი საზოგადოების ხელმძღვანელებმა სხვა სიკეთესთან ერთად ისიც არ იცინ, რა არის თეატრი, რას და ვის უნდა ემსახურებოდეს იგი. ხშირად „გიბრ-დანებენ“ რა და როგორ დადგა, თან წარმატების შემთხვევაში, ყველაფერი ხომ ეგენი არიან. ერთი სიტყვით, მაპატიე, მაგრამ — ნახერხს გაჭმევენ და რეიკები გამოყარეო — ითხოვენ.

ასეთი დამფინანსებლების და „უფროსების“ ხელქვეითობას, საერთოდ არაფერი გააკეთო, ჯობია, რადგან ვერც შემოქმედებით კმაყოფილებას მიიღებ, ვერც ნორმალური დონის დადგმას გააკეთებ, ვერც ხელოვნებას და ხალხს მოუტან რაიმე სიკეთეს.

ძალიან გთხოვ, ისე არ გამოიგო თითქოს ჩემი ქვეყანას და ხალხს ვაძაგებდე. მე მთელი ჩემი არსებით გაზეთს ქვეყანას ვემოთხვნი, ჩემი ხალხის კალთის შვილი ვარ, ძალიან მიყვარს და პატივს ვცემ მათ, მეც იგივე ვარ ჩვენი + -

(პლიუს მინუსით). მე მხოლოდ ისრაელში ქართული კულტურის და ხელოვნების ყოფა-გაჭირვებაზე მინდა გავამახვილო შენი ყურადღება.

ძალიან გთხოვ, ამ წერილის შინაარსი გააცნო თეატრის მოღვაწეთა კავშირს, კულტურის სამინისტროს, ხელოვნების დანესებულებებს, თუ გინდა ჟურნალ-გაზეთების მეშვეობით ბიზნესმენების ყურამდეც მიიტანე, ჩემთვის სულერთი როგორ მოხერხდება ეს. იქნებ, გამოჩინდეს ღვთისნიერი პიროვნება ან რომელიმე დანესებულება და დახმარება გაგვიწიოს ისრაელში მოქმედ ქართულ მხატვრულ კოლექტივებს.

სპექტაკლის მონაწილენი უსასყიდლოდ, მეტიც, თავიანთი ან თუ სხვა ქალაქებიდან არიან, ხელმძღვანელის ხარჯებით დადიან რეპეტიციებზე, შემოსავალი კი...

ჩემი აზრით, შეიძლება ამ მდგომარეობის გამოსწორება-გადარჩენა, საქართველოს მხრიდან ფინანსური თუ მორალური დახმარებით.

მოავლინონ ქორეოგრაფი, თეატრის რეჟისორი, ან მსახიობი, მოაწყონ შეხვედრა-გასაუბრება,

ჩასწვდნენ სიძნელეებს, ალუთქვან შეძლებისდაგვარი დახმარება. შეიძლება ყველა კოლექტივმა, ცალ-ცალკე იმუშაოს, ამასთანავე ეცადონ შეიქმნას ერთი ცენტრალური თეატრი და ქორეოგრაფი ანსამბლი, რომლებიც შევობას გაუნევენ დანარჩენებს.

თუ საკმაო დონეზე განახორციელებენ დადგმებს, შეიძლება ხალხური მხატვრული კოლექტივების ფესტივალზე, ან უბრალოდ საგაგროლოდ მიიწვიონ საქართველოში, გადასცემენ სიგელებს, ან მიანიჭებენ რაიმე ნოდებას მათ შემოქმედებას, აღნიშნავენ და აჩვენებენ საქართველოს ბეჭდვით თუ ვიზუალურ მედიაში (რასაც აქ სრულიად მოკლებულნი არიან) ალუდგენენ საქართველოს მოქალაქეობას.

ჩვენი ცნობილია, რომ ისრაელის მრავალმა მოქალაქემ მიიღო ასეთი პატივი საქართველოში და დამსახურებულადაც. ასეთი რამ დიდ ფსიქოლოგიურ ბუმს გამოიწვევს მათში. მეტი ენთუზიაზმით და მონდობით იმუშავებენ, თუ დაინახავენ, რომ საქართველოში ვიღაც გამოეხმაურება და დააფასებს მათ შრომას. დამერწმუნე, ასეთივე

დაფასება და შეფასება ქართული ხელოვნების მუშაკებსაც ეკუთვნით. ამის ღირსი კი, ჩემი აზრით, საკმაოდ არიან აქ.

თუ ასე მოხდება, დამერწმუნე, ძალიან გამოცოცხლდება ყველა კოლექტივი, გამოიწვევს შემოქმედებით შეჯიბრს მათ შორის და, რაც მთავარია, ხელს შეუწყობს ხელოვნების დონის ზრდას და გაცილებით საინტერესოს გახდის მას.

არავითარ შემთხვევაში, არც ერთი აქაური პოლიტიკოსი თუ გაერთიანება არ უნდა იყოს სათავეში, თორემ ყველაფერს დალუპავენ. უმჯობესია, საქართველოში შექმნან რაიმე კულტურისა და ხელოვნების ცენტრი და თბილისიდან უხელმძღვანელონ აქ მოქმედ მხატვრულ კოლექტივებს.

იმედი მაქვს, ჩემი თხოვნის, რამდენიმე ნაწილი დადებით გამოხმაურებას პოვებს საქართველოში, თუ არა და დაერჩევათ ისევე სადღეგრძელოებში ბრტყელ-ბრტყელი სიტყვებით „ბრაზუნისტები“, ქართველი ქრისტიანებიც და ქართველი ებრაელებიც. ჩვენში ხომ, მხოლოდ სარწმუნოებაა განსხვავება და მეტი არაფერი. სხვა

დანარჩენში ერთნაირი მენტალიტეტის და აზროვნების მქონენი ვართ.

ძალიან გული მწყდება და კეთილი შურით ვივსები, როცა ვხედავ, ან გაზეთებში ვკითხულობ მაროკოელების, სპარსელების, ბუხარელების, ეთიოპიელების და სხვათა მხატვრულ კოლექტივებზე, მათ მოღწევებს, მოგზაურობას იმ ქვეყნებში, საიდანაც ჩამოვიდნენ. არ ვიცი ამას ისინი თავიანთი გამოსვლის ქვეყნების, აქ მყოფების სიმრავლით, თემობრივ-საზოგადოებრივი გაერთიანების, ბიზნესმენების თუ სხვა რამ საშუალებებით ახერხებენ, ის კია, რომ გული მტკივა...

არა და უამრავი, ძალზედ ნიჭიერი ხალხი გყავს.

დარწმუნებული ვარ გამიგებ და ყველაფერს გააკეთებ, ჩვენი და თქვენი, ამ მეტად საჭირო და აუცილებელ საქმეში, რათა არ დარჩეს ჩემი თხოვნა-ვედრება — ხმა ღალადისა ისრაელის უდაბნოსა შინა.

დიდი პატივისცემით და ბოდიშის მოხდით მიხეილ ნანიკაშვილი ისრაელი. ბათ-იამი 30 აპრილი, 2006 წელი.

22.09.08

შარანსკი რეიზის პრემია მიიღო

საბჭოთა "გულაგის" ტყვეს და ისრაელის ნათან შარანსკის პრემიერ მინისტრის ყოფილ მოადგილეს ნათან შარანსკის, ეს ჯილდო ვაშინგტონში საგანგებოდ გამართულ ცერემონიაზე გადაეცა. ყოფილმა პირველმა ლედიმ — ნენსი რეიგანმა სამართლიანობისათვის მებრძოლს პირადად გადასცა ჯილდო.

— ჩემმა მეუღლემ ერთხელ თქვა, რომ ნათანის ერთგულება თავისუფლებისადმი — ეს არის ადამიანის მისწრაფება. მისი გათავისუფლება საბჭოთა ციხიდან იყო რონის პრეზიდენტობის ერთ-ერთი ყველაზე მნიშვნელოვანი მომენტი — განაცხადა ნენსი რეიგანმა.

ცერემონიაზე აგრეთვე გამოვიდნენ სინდი მაკკეინი და სენატორი დიანა ფაინსტაინი (კალიფორნიელი დემოკრატი).

როგორც ვაშინგტონის ტელევიზიამ გვამცნო, სინდი მაკკეინმა თავისი ქმარი, აშშ-ს პრეზიდენტის პოსტზე რესპუბლიკელების კანდიდატი ჯონ მაკკეინი, ნათან შარანსკის შეადარა.

— ორივენი პატიმრები იყვნენ: ჯონი თავისი ქვეყნის სამსახურის გამო, ხოლო ნათანი თავისი სინდისისადმი სამსახურის გამო. მათ ერთმანეთთან მძიმე გამოცდა აკავშირებთ.

22.09.08.

ეკლესიაში სინაგოგაზე

გერმანიაში ყოფილი ეკლესია და კომერციული შენობა სინაგოგებად გადაკეთდა.

ბილფელდის ეკლესია ოფიციალურად გაიხსნა, როგორც სინაგოგა ამ გერმანულ ქალაქში მცხოვრებ ებრაელთა თემისათვის. იუნყებიან, რომ ეს არის პირველი საეკლესიო შენობა, რომელიც გამოყენებულია მსგავსი მიზნებით. უკანასკნელი კვირების მანძილზე უკვე მეორე სინაგოგა გაიხსნა გერმანიის აღმოსავლეთ ნაწილში. ამას გარდა, ახლახანს შტუტგარდში გაიხსნა პირველი ებრაული საშუალო სკოლა. სკოლაში 25 მოსწავლე სწავლობს. ეს ყველაფერი მეტყველებს იმაზე, რომ გერმანიაში გაიზარდა ებრაელთა რაოდენობა.

ბილფელდში ებრაელთა თემი უკანასკნელ წლებში 40-დან 300-მდე ებრაელით გაიზარდა.

დღეს კრფელდის სინაგოგაში 300 მლოცველი ეტევა. ყოფილი სავაჭრო კომერციული შენობის რეკონსტრუქციაზე 18 მილიონი დოლარი დაიხარჯა.

23.09.08.

ლიბანთან სამშვიდობო მოლაპარაკებების თაობაზე

— უახლოეს წლებში ისრაელს შეუძლია დაიწყოს სამშვიდობო მოლაპარაკება — განუცხადა ებრაული საგანგებო კორესპონდენტის ამერიკაში ისრაელის ელჩმა, სანაი მერიდორმა.

— ისრაელის მოლაპარაკებები პალესტინასთან გრძელდება, მიუხედავად პოლიტიკური ბზარისა, უახლოეს წლებში შესაძლოა ლიბანის მიმართულებით.

დადგეს დღის წესრიგში — არ ვფიქრობ, რომ ლიბანთან მშვიდობის დამყარებაზე ოცნება ცოდვაა — თქვა მან. ვიმედოვნებ, უახლოეს წლებში, შევძლებთ ვიმუშაოთ არა ორი მიმართულებით (პალესტინა და სირია), არამედ — ლიბანთან სამშვიდობო მოლაპარაკებებზეც.

ელჩმა აღნიშნა პარადოქსული სიტუაცია: ერთი მხრივ პროგრესი პალესტინა-ისრაელისა და სირია-ისრაელის მოლაპარაკებებში და მეორე მხრივ ირანში ატომური ბომბის შესაქმნელად მიმდინარე წარმატებული მუშაობა.

— მომავალ წელს ირანელები შორს იქნებიან ნასულნი. ჩვენ უნდა გამოვიყენოთ ყველა შესაძლებლობა, რათა შევჩეროთ ეს კომპარი — თქვა მერიდორმა.

23.09.08

კურიას გაფრთხილება

ისრაელთან სამშვიდობო მოლაპარაკებების მთავარი მონაწილე — კურია ალაპარაკდა პალესტინელების მხრიდან ძალადობის აქტების საშიშროებაზე იმ შემთხვევაში, თუ სამშვიდობო მოლაპარაკებებმა შედეგი არ გამოიღო.

ახმედ კურეიამ ლეგიტიმურად მიიჩნია ძალადობის ისეთი აქტები, როგორცაა თვითმკვლელობები. ეს განცხადება მოჰყვა კურეიასა და ციფი ლივინის შეხვედრას. როგორც კურეიამ აღნიშნა, ლივინი იგი დაარწმუნა, რომ მოლაპარაკებები გაგრძელდება მანამდე, სანამ არ ჩამოყალიბდება ახალი კოალიცია.

23.09.08.

სამხედრო ძალის გამოყენება

პალესტინის ადმინისტრაციის მაღალი



თანამდებობის პირი არ გამოიციხება სამხედრო ძალის გამოყენებას იმისათვის, რომ ხელახლა ჩაიგდოს ხელში ლაზის სექტორი.

გენერალმა დიბ ალალიმ, პალესტინის ავტონომიის უსაფრთხოების უფროსმა, შეამცირა ალბათობა ასეთი სცენარისა, განაცხადა საერთაშორისო არაბულენოვან გაზეთ „ა-შარკ ალ-ავსტანას“ — თანინტერვიუში, მაგრამ დასძინა: „ყველამ უნდა იცოდეს, რომ ასეთ შესაძლებლობაზე უარი არ გვითქვამს და თუ სიტუაცია მოგვცემს საშუალებას, განვახორციელებთ მას.“

ხ ა ს ლ ე ბ ა მ ს ო ფ დ ი ო ს ე ბ ხ ა უ ე ს ა მ ყ ა ხ ო შ ი ?

ე ბ რ ა უ ლ ი ს ა ა ბ ე ნ ტ ო ს ი ნ ფ ო რ მ ა ც ი ი ს მ ი ხ ე ჯ ვ ი ტ

ტერორისტულმა დაჯგუფებამ „ხამასმა“ 2007 წლის ზაფხულში ლაზის სექტორიდან გააძევა პალესტინის ავტონომიის თავმჯდომარისადმი ლოიალურად განწყობილი ძალები.

23.09.08

დეზარტირობა

ისრაელის სამხედრო საჰაერო ძალის ოფიცერი, რომელიც საიდუმლო ინფორმაციებს ფლობს, გამოცხადებულია დეზარტირად. ისრაელის არმიის მიერ ამ ინციდენტის შესახებ ინფორმაციის გავრცელება აკრძალულია. მაგრამ ინტერნეტ რესურს **ynet**-მა განაცხადა, რომ სამხედრო საჰაერო ძალების მაიორი თვითნებურად წავიდა, გაფრინდა ამერიკის შეერთებულ შტატებში და უარს ამბობს დაბრუნებაზე.

არმია შეშფოთებულია, რომ მაიორს შეუძლია გამოაშკაროს სამხედრო საჰაერო ძალების საიდუმლო ინფორმაციები, რომელსაც იგი ფლობდა სამსახურის პერიოდში, მუშაობდა მკაცრ საიდუმლო პროექტებზე. სამხედრო პოლიცია დაინტერესდა ამ ოფიცრით ჯერ კიდევ მარტის თვეში. იგი ეჭვმიტანილი იყო იმაში, რომ ენადა გაეხსნა პერსონალური საქიანობა, როდესაც უკვე გათავისუფლებული იყო თანამდებობიდან და იმყოფებოდა ამერიკის შეერთებულ შტატებში. იგი გაფრინდა აშშ-ში ჯერ კიდევ აგვისტოში, სადაც მას ელოდებოდა ოჯახი — გვაცნობებს **ynet**.

23.01.08.

ლონდონელი ებრაელები განაწყინდნენ

ლონდონის აღმოსავლეთ ნაწილში მცხოვრები ებრაელები განაწყინდნენ იმის გამო, რომ ქალაქის ხელისუფლებამ არჩევნები იომ — ქიფურში დანიშნა.

არჩევნები განაპირობა ადმინისტრაციული რაიონის ერთ-ერთი წარმომადგენლის — ლიბერალური დემოკრატის — გადადგომამ. ამ რაიონში ცხოვრობს 300-ზე მეტი ებრაელი, ამომრჩეველთა 4%.

— ეს სირცხვილია — განაცხადა დევიდ მეისონმა ადგილობრივ გაზეთში — მერიის მრჩეველებს დიდი ძალისხმევა არ დასჭირდებოდათ, რომ ენახათ სადღესასწაულო კალენდარი. ასეთი რამ პირველად არ ხდება, ისინი ნიშნავენ სხვადასხვა ღონისძიებებს შაბათ დღეს.

მერიის მრჩეველთა პრესმდივანმა განაცხადა:

გაზეთ „მენორა“-ს რედაქციას მადლობა სემკ-ს

ნება მიბოძეთ, თქვენი გაზეთის საშუალებით დიდი მადლიერება გამოვხატო ქართველ ებრაელთა მსოფლიო კონგრესის და მისი გაზეთის — „მოამბის“ მიმართ, ჩემი შვილიშვილების, ისრაელის არმიის ჯარისკაცების, ციპი და მიშელ ნაფთალის მორალური და მატერიალური წახალისებისათვის.

მნამს, ეს მხარდაჭერა კარგი სტიმული იქნება მათი შემდგომი წარმატებული სამსახურისა. მე კი გამოვთქვამ დიდ მადლიერებას კონგრესის პრეზიდენტის — მიშკო მირილაშვილის მისამართით და მიხდა ვუსურვო დიდი წარმატებები, რათა კვლავაც შეძლოს კეთილი საქმეების კეთება.

პატივისცემით, სოსო აფიაშვილი

რედაქციისაგან:

როგორც ბატონი ს. აფიაშვილის მადლობის წერილიც გვაუწყებს, სემკ-ი არაერთი დიდებული წამოწყების ავტორია, განსაკუთრებით ისრაელის არმიის მიმართ.

გაზეთ „მენორა“-ს რედაქცია სულითა და გულით უერთდება ბ-ნ ს. აფიაშვილის მადლობას, სარგებლობს შემთხვევით და დაბადების დღეს ულოცავს საქართველოს ებრაელთა მსოფლიო კონგრესის პრეზიდენტს, „მენორას“ მეგობარს, ბ-ნ მიშკო მირილაშვილს.

— ჩვენ გვექონდა თარიღის არც თუ ისე დიდი არჩევანი. არჩევნები უნდა ჩატარდეს 30 სექტემბრიდან 10 ოქტომბრამდე შაბათ-კვირის გარდა. დიდ ბრიტანეთში არჩევნები ტრადიციულად ხუთშაბათ დღეს ტარდება. ამ ტრადიციის დარღვევამ და დაინყებამ შეიძლება ხელი შეუშალოს ელექტორატს ის, ვინც ვერ მოახერხებს საარჩევნო უბანზე მოსვლას, მას შეუძლია ფოსტით გამოავაზვნოს ბიულეტენი.

ვინც შალიტს ახალი წელი მიულოცა. მისალოცი ბარათები იგზავნებოდა ლონდონში არსებული ისრაელის საელჩოს დახმარებით. საერთაშორისო ორგანიზაციამ „ნითელმა ჯვარმა“ პირობა დადო, რომ უკლებლივ ყველა მილოცვას გადასცემდა ლაზის სექტორს.

დემონსტრანტებმა გაიარეს გრინ-პარკიდან „ლირიკ თეატრამდე“ და ითხოვნენ შალიტის განთავისუფლებას.

დემონსტრანტებს წარმოადგენდნენ: ებრაული სკოლები, ახალგაზრდული მოძრაობები, ებრაული ორგანიზაციები, უბრალო გულშემატკივრები და სხვა ორგანიზაციები, რომელთაც ეჭირათ პლაკატები სხვადასხვა სლოგანებით: „819 დღე ჩვენ კვლავ გელოდებით“, „ჩვენ განვიციდით უშენობას“, აგრეთვე შალიტის ფოტოები. დემონსტრანტებს ეცვათ აგრეთვე ფეხბურთის ფორმები მოხატული შალიტის ფოტოებით. თეატრის წინ ათასობით დემონსტრანტი უსმენდა ისრაელის ელჩს რონ პროზონის. შალიტის მამას — ნოას და აგრეთვე, ისრაელულ მომღერალს — ეჭუდ ბანაის. ნოა შალიტმა დემონსტრანტებს განუცხადა:

— მიუხედავად იმისა, რომ ციპი ლივინი არის არჩეული „კადიმის“ პარტიის ლიდერად „არაფინ არ მოასვენებს“.

და დაამატა:

— მე მიხდა, რომ ბრიტანეთის მთავრობამ პროტესტი გამოხატოს შალიტის დაკავების გამო. იგი ორი წლის მანძილზე ყოველგვარი ჰუმანიტარული დახმარების გარეშე სრულ იოზოლაციაში ჰყავთ. მინდა მივმართო „ამისითი ინტერნეტენალის“ ორგანიზაციას ყურადღება მიექციოს ამ საქმეს. მე ყველაფერს ვაკეთებ იმისთვის, რომ გილადი დაეაბრუნოს სახლში.

ამას წინათ პალესტინის ერთ-ერთი ორგანიზაციის ლიდერმა „სანდო თაიმსს“ განუცხადა, რომ შალიტს ძალიან კარგად ექცევიან, მაგრამ არც ერთ საერთაშორისო ორგანიზაციას მასთან მიახლოების საშუალება არ ჰქონია.

ირანის დემონსტრაციაზე პალინის წინადადება გადართო

ებრაული ჯგუფების მიერ ორგანიზებულ ანტიირანულ დემონსტრაციაზე სარა პალინს უკვე აღარ ინევენ.

ეს გადამწყვეტილება ორდღიანი კამათის შემდეგ მიიღეს, რომელიც ირანის პრეზიდენტის მანმუდ ახმადინეჯადის საპროტესტო აქციის ორგანიზატორებს შორის იყო, რომელიც გაეროს შენობის წინ მიმდინარეობდა.

სააგენტო „JT“ განცხადების შემდგომ აგორდა სკანდალი, რომ პალინი, რესპუბლიკელთა ბლოკიდან წარდგენილი პრეზიდენტობის კანდიდატმა მიიღო მონვევა კონფერენციაზე ამერიკის წამყვანი ებრაული ორგანიზაციების პრეზიდენტებისგან, გამოსულიყო 22 სექტემბერს დაგეგმილ დემონსტრაციაზე. სენატორმა ჰილარი კლინტონმა, რომელმაც ანალოგიური მიზანმიმართული მიიღო რამდენიმე კვირის წინ, განაცხადა, რომ უარს ამბობს დემონსტრაციაში მონაწილეობის მიღებაზე. კლინტონის პრეს-მდივანის განცხადებით, სენატორი შეშფოთებულია იმით, რომ ეს დემონსტრაცია პოლიტიკური პარტიის ღონისძიებად გადაიქცევა.

— პალინი დარწმუნებულია, რომ ბირთვული ირანის საშიშროება უფრო მნიშვნელოვანია ვიდრე პარტია და პოლიტიკა — თქვა პალინის პრეს-მდივანმა ტრეისი სმიტმა.

ნაციონალური ებრაული დემოკრატიის საბჭომ კლინტონს დაუჭირა მხარი იმაში, რომ არ მიეღო მონაწილეობა დემონსტრაციაში.

აქცია ლონდონში

27 სექტემბერს ლონდონში ათასობით ადამიანი გამოვიდა დემონსტრაციაზე. ისინი ითხოვდნენ ისრაელის სამხედრო პირის — გილად შალიტის გათავისუფლებას. ბრიტანეთის პრემიერ-მინისტრი გორდონ ბრაუნი შეუერთდა დემონსტრანტებს. იგი იყო ერთ-ერთი მათგანი,

რას ვპითხვლობთ
ამ კვირაში?
რუბრიკას უძღვება
საქართველოს მთავარი რაბინი
არიელ ლეჰინი

ბერეუითი



„დასაწყისში შექმნა გამჩენმა ცა და მიწა“

ასე იწყება გამჩენის მიერ მომზადებული წიგნი, ებრაული - მოშეს ხუთწიგნული, თორა (ხუმაში), კაცობრიობისათვის ყველაზე ხშირად საკითხავი წიგნი.

და ჩვენს ბრძენებს, თორის კომენტაგორებს, უკვე უჩნდებათ კითხვა: „რაგომ არ იწყება თორა პირველი მცნებიდან, რომელიც ებრაელებს მისცა გამჩენმა?“ ხომ ყველასათვის ნათელია, რომ თორა გამჩენს ჩვენთვის არ უბოძებია სამყაროს შექმნის

ისტორიის მოსათხრობად. ის ხომ ებრაელთა ეგვიპტიდან გამოსვლის, თორის ბოძებისა და მისი მცნებების შესასრულებლად იყო გამომზადებული. პირველ მცნებაში ხომ გამჩენი გვეუბნება: „მე ვარ გამჩენი ღმერთი, რომელმაც გამოგიყვანათ თქვენ ეგვიპტიდან“. ამით კი ხაზი გაუსვა მისი ქმნილების ძირითად მიზანს.

თუმცა, გასაგებია, რომ „ბერეუითი“-ს წიგნის პირველივე წინადადებაში რწმენის საფუძვლებია მოცემული: გამჩენის მიერ მთელი სამყაროს შექმნა, ის, რომ ადამიანს აქვს არჩევანის უფლება, ის, რომ გამჩენს მასთან ურთიერთობა აქვს, ის სჯის და პატიობს მას, ასწავლის მონანიებას და რწმენის სხვა საფუძვლებს.

მიუხედავად ყოველივე ამისა, თორის უდიდესი კომენტატორი რაში გვეუბნება, რომ თორის პირველი წინადადება გვიმტკიცებს იმას, რომ ცა და დედამიწა გამჩენს ეკუთვნის და ის აძლევს მას იმ ხალხებს, ვისაც თავად ირჩევს. და ამიგომ, ისრაელის მიწა, რომელიც გამჩენმა უბოძა ებრაელ ხალხს, სამართლიანად ეკუთვნის მათ.

ადამიანის შექმნის მომენტში, სხვა დანარჩენი სამყაროს შექმნისაგან განსხვავებით, გამჩენი ვილაცას მიმართავს: „შევქმნათ ადამიანი“. ჩვენს ბრძენებს აქვთ სამი ვერსია იმის შესახებ, თუ ვის მიმართავს გამჩენი: 1. ანგელოზებს, რათა გვასწავლოს ჩვენ, რომ მიწიერი მოსამართლეც არ უნდა წყვედეს საკითხებს მარგო. ის უნდა მოეთათბიროს სხვა მოსამართლეებსაც. 2. მთელს სამყაროს, რადგანაც ადამიანში თავმოყრილია სხვადასხვა ქმნილების თვისებები - ადამიანის სული, სულიერი ბუნებისა და ანგელოზებისა. 3. გამჩენი მიმართავს თავად ადამიანს - ის ხომ არაა სრულყოფილი და სჭირდება როგორც ფიზიკური (წინადაცვლათა) ასევე სულიერი კორექტირება. ამიგომაც გამჩენი და ადამიანი ერთად ქმნიან ადამიანს.

საინტერესოა, რომ გამჩენი სამყაროს შექმნის ყოველ დღის დასრულებისას ხედავს, რომ ეს კარგია, ანუ შექმნილია სრულყოფილად და ცვლილებებს არ ექვემდებარება. მეექვსე დღეს კი, ადამიანის შექმნის შედეგად ამბობს: „და აი, ძალიან კარგია“. სიგვეა ძალიან წმინდა ენაზე - „მოდ“ იგივე ასობებს შეიცავს, რასაც „ადამ“, მხოლოდ სხვა თანმიმდევრობით. ეს მიგვანიშნებს იმაზე, რომ ადამიანი კარგია, სრულყოფილია მაშინ, როცა ის ცვლის საკუთარ თავს, გადააადგილებს

ასობებს საკუთარ თავში, იმრდება.

თორაში ადამიანის შექმნის შესახებ ორჯერაა მოთხრობილი: ერთხელ მისი სხეულის შექმნაზე და მეორედ იმაზე, რომ გამჩენმა მას სული შთაბერა. ისმის კითხვა - იყო თუ არა ადამიანი ცოცხალი მისთვის სულის შთაბერვამდე. რამბამის აზრით - ცოცხალი იყო, მაგრამ ჰგავდა მალაღგანვითარებულ ცხოველს და მხოლოდ სულის შთაბერვის შემდეგ იქცა ქმნილებად „მისი სახითა და მსგავსებით“. ყოველი ჩვენგანი აღვივებს საკუთარ თავში ამ გამჩენისეულ ნაპერწკალს, თუ ასრულებს მცნებებს და, გამჩენმა ნუ ქნას, აქრობს მას - თუ სცოდავს.

ყველას კარგად მოგეხსენებათ, ადამისა და ხავას მიერ მცნების დარღვევის ისტორია. როცა მათ გასინჯეს სიკეთისა და ბოროტების შეცნობის ხის ნაყოფი. საინტერესოა, რომ თორა არ გვეუბნება, თუ რა ხე იყო ეს, რათა ადამიანებმა არ წარმოთქვან: „ამ ხის გამო ხომ მთელი სამყარო დაიწყებდა“. ამით ჩვენ ვხედავთ, რომ გამჩენი სირცხვილისაგან უსულ ქმნილებასაც კი იცავს, რადგანაც ჩვენს თორა მოწყალეა, ღმობიერია. ჩვენც ასევე ვესწავლოთ რა სრულყოფილებისაკენ, უნდა ვეცადოთ სრულყოფით როგორც მცნებების შესრულება, ასევე ადამიანებთან ურთიერთობა. აი, სწორედ ესაა სამყაროს შექმნის მიზანი.

ევრაზიის ებრაული კონგრესი გვაზოგუბინებს:

PUBLIC RELATIONS & MEDIA DEPARTMENT

Euro-Asian
Jewish
Congress
(EAJC)



Евро-Азиатский
Еврейский
Конгресс
(ЕАЕК)

ДЕПАРТАМЕНТ ПО СВЯЗЯМ С ОБЩЕСТВЕННОСТЬЮ И СМИ



ებრაელ ქველმოქმედთა ფორუმი პარიზში

ევრაზიის ებრაული კონგრესის დელეგაცია პრეზიდენტ ალექსანდრე მაშკევიჩის ხელმძღვანელობით მონაწილეობდა პარიზში გამართულ ებრაელ ლიდერთა და ქველმოქმედთა საერთაშორისო კონფერენციის მუშაობაში, რომელიც ისრაელის 60 წლისთავს მიეძღვნა.

შენიშნულია პროცედურის გავლის შემდეგ ა. მაშკევიჩი აღიარებული იქნა 2008 წლის ყველაზე გამოჩენილ ქველმოქმედად. ეაეკ-ის ვიცე-პრეზიდენტ დავით იაკობაშვილთან ერთად ა. მაშკევიჩი მონაწილეობდა კონფერენციის ყველა ღონისძიებაში, რომელიც მოიცავდა ებრაული პარიზის ღირსშესანიშნაობათა გაცნობას, ლუერის უნიკალურ იუდაიკურ კოლექციას, პოლიტიკურ ექსპერტებთან და ლიდერებთან შეხვედრებს.

დაჯილდოების ცერემონიის შემდეგ ა. მაშკევიჩმა ჟურნალისტებს განუცხადა: — მე ვიზიარებ იმათ თვალსაზრისს, რომლებიც ამბობენ, რომ შეიძლება იცხოვროს ისრაელის მიღმა, მაგრამ ვერ იცხოვრებ უისრაელოდ.

ფორუმზე განსაკუთრებით საყურადღებო გახლდათ სილევი ბერლუსკონის გამოსვლა, რომელმაც ებრაელი ქველმოქმედნი რომში მიიწვია კონფერენციის ჩასატარებლად.

ა. მაშკევიჩი მინვეული გახლდათ საერთაშორისო პოლიტიკური კლუბის პარიზულ სესიაზე. სესიაზე მთავარი მომხსენებელი გახლდათ აშშ-ს პრეზიდენტის ყოფილი მრჩეველი ზბიგნევ ბჟეჟინსკი, რომლის მოხსენების შემდეგ გაიმართა დისკუსია. დისკუსიაში განსაკუთრებული ადგილი დაიჭირა დიალოგმა ზ. ბჟეჟინსკისა და ა. მაშკევიჩის შორის. ამ დიალოგის თემა გახლდათ შუა აზიის ახალი პოლიტიკური და ეკონომიკური რეალობა.



ბუკოვინის ებრაელთა ყოფის გუზაუმი

ევრაზიის ებრაული კონგრესის გენერალური საბჭოს თავმჯდომარემ და უკრაინის საზოგადოებრივი ორგანიზაციების ასოციაციის მეთაურმა იოსებ ზისელსმა მონაწილეობა მიიღო ბუკოვინის ებრაელობის ყოფის მუზეუმის გახსნაში.

მუზეუმი გაიხსნა ქ. ჩერნოვიცში. იგი განთავსებულია ჩერნოვიცის ებრაული სახლის შენობაში. მისი გახსნა დაუკავშირდა ქ. ჩერნოვიცის 600 წლისთავს.

მუზეუმის გახსნის საზეიმო ცერემონიაზე, იოსებ ზისელსმა წაიკითხა ევრაზიის ებრაული კონგრესის პრეზიდენტის ალ. მაშკევიჩის მის-ასალმებელი წერილი. თავის მხრივ კი დასძინა:

-- ჩვენ ეს მუზეუმი შევქმენით, როგორც ძეგლი ბუკოვინის ებრაელობის, მათი ტრადიციების, ისტორიისა და კულტურის ძეგლი.

მუზეუმის გახსნის ცერემონიაზე სიტყვები წარმოთქმევს ჩერნოვიცის ოლქის გუბერნატორის მოადგილემ ალექსანდრე გროშკომ, ქალაქის კულტურის განყოფილების გამგემ ნიკოლაი მელნიკმა, ებრაული ორგანიზაციების ხელმძღვანელებმა ლეონიდ ფუქსმა და ესაია კლეიმანმა.

მუზეუმის შექმნის ძირითადი სპონსორია ევრაზიის ებრაული კონგრესი, ხოლო ორგანიზატორი უკრაინის ვაადი და ჩერნოვიცის ებრაული კულტურის ფონდი.

თანადგომის პერიდიანი

ცისარცყელი

დარწმუნებული ვარ შემომქმედს ერები ერთმანეთისგან განსაცალკევებლად კი არა, განსხვავებულთა სიყვარულით თანაცხოვრებისა და ურთიერთ ხელისშეწყობისათვის შეუქმნია. ამის საუკეთესო მაგალითად თბილისი და მისი სხვადასხვა რეზიდენციის მოქალაქეთა თანაცხოვრება მიმაჩნია.

მახსოვს პეროვსკაიას ქუჩას დილით როგორი გულმოდგინებით გვიდნენ ხოლმე დიდი ცოცხებით, ქურთი აზიზა და მისი თავმალნაკრული, ფაშფაშა ცოლი. ალბათ, ბევრი დამეთანხმება, თუ ვიტყვი, ასეთი გულმოდგინება, ამ მძიმე საქმის ასეთი სიყვარული არც ერთ თბილისელ ქართველს არ გამოუვლია. ალბათ, ამიტომ ემსახურებიან ესოდენ ერთგულად ჩვენი ქალაქისათვის ესოდენ საჭირო ამ საქმეს ჩვენი საყვარელი თბილისელი ქურთები.

თბილისელი რუსი ქალები ჩემს მეხსიერებაში თეთრ ხალათში ჩაცმული თბილი დეიდების სახეებად აღიბეჭდა, სისხამ დილით ჩვენი ბავშვებისათვის ესოდენ საჭირო რძისა და არაჟნის გასაყიდად რომ იყვნენ გამოსულნი. ყველა უკრაინელი ჩემი უახლოესი ნათესავი — კოლია ბიძია მეგონა, მსოფლიო ისტორია ზეპირად რომ იცოდა. თანადროულად, როგორც უდიდესმა ჯენტლმენმა, მანდილოსანის შეურაცმყოფელს ისეთი დღე დააყენა, რომ თვითმხილველები ამ ამბავს დღესაც იხსენებენ. ჩემი ბავშვობა და ჩემი ქალაქი ჩემი პატარა რუსი მეგობრით, ვიტყვი მიყვარს, რადგან სამშობლო ხომ ის ხალხია, შენ რომ გიყვარს და მათაც რომ არანაკლებ უყვარხარ.

რატომღაც ჩემს მეხსიერებაში ყველა აზერბაიჯანელი ყოველთვის კოსტიუმში გამოწყობილ იმ დაბალ და შავგვრემან მამაკაცად შემორჩნენ, ჩვენს ლამაზ ქალაქს და ქვეყანას აზიურ ელფერს რომ სძენდნენ. მერე კი მარნეულის მიდამოებში მოხვედრისას ამაში კიდევ უფრო დავრწმუნებულვარ, რადგან მხოლოდ იქ გამხსენებია ბავშვობაში ნაკითხული აზიური ზღაპარი, მხოლოდ იქ მოიცნებია ვყოფილიყავი სულთანნი, ბევრი ლამაზი ცოლი რომ ჰყავს, მაგრამ ჩემთვის ადვილად გასაგები მიზეზის გამო, მხოლოდ ერთი გამორჩეული და უეჭველად ქართველი.

ადრეული წლების თბილისი იმ თბილისელი სომხების გარეშეც ვერ წარმომიდგენია, ოსტატურად რომ „აპაჩინკებდნენ“ ყველაფერს, ჩვენი კოლორიტული თბილისის თითქმის ყველა უბანში მდგარ ჯიხურებში, მაშინდელი უფროსი თაობის ხშირი თავშეყრის ადგილები რომ იყო.

მე ჩემი ქვეყანა ვერც იმ ჩემი ებრაელი მეგობარი ბიჭების გარეშე წარმომიდგენია, განუყოფელი რომ არიან იმისა, რასაც სისუფთავე ჰქვია, რასაც უანგარო ბავშვური სიყვარული ჰქვია.

ანდა, განა კი იქნებოდა სრულყოფილი ჩემი ლამაზი ბავშვობა, რომ არა ის ჩემი ოსი მეგობარი, დიდი ხნის წინ ერთი ბებია რომ გვზრდიდა და ცხოვრების რეალობამ მე და ის სხვადასხვა ქვეყნების მაცხოვრებლებად გვაქცია, თუმცა კი ამით მონატრებისა და სიყვარულის გრძნობას ჩრდილიც კი არ მიაყენა.

პესიმისტი არა ვარ, თუმცა, ცხოვრებამ უაზრო ოპტიმიზმსაც გადამაჩვია და დედამინაზე სიარულიც კი მასწავლა, მაგრამ პრაგმატიკოსი არასოდეს გაემხდარვარ და ამიტომაც ისევ საოცრად მჯერა ჩემი ქვეყნისა და ჩემი ქალაქის, სადაც უამრავი ერისა, თუ რელიგიის წარმომადგენლები, ერთმანეთის ძმები და დები გამხდარან. აქ, სადაც ყველაზე ჭკვიანი და გამოჩენილი სომხები იბადებოდნენ. აქ ხომ ოცდაექვსი საუკუნის განმავლობაში სხვა ყველა ებრაელისაგან განსხვავებული ქართველი ებრაელები ცხოვრობდნენ, რომელსაც ეს „ნოდება“ ისტორიულ სამშობლოში დაბრუნებულებსაც კი არ შეუცვლიათ.

ამიტომაც მაგონებს ჩემი თბილისი ცისარცყელას, თავისი ზღაპრული ლამაზი ფერების სიმრავლით.

საამაყოა თბილისელობა და ამავედროულად ძნელიც!

საპერიან ჯუღელი.

შვედეთში ქართული სახლის ხელმძღვანელი, დიპლომატი, მედიცინის დოქტორი.

მასნიხის ეილი შიოზა

ქუთაისის საგამომცემლო ცენტრმა გამოსცა პროფესორ ავთანდილ ნიკოლეიშვილის ნიგნი „ებრაული თემა ქართულ მწერლობაში“.

ნიგნის რედაქტორები არიან: პროფ. სოსო სიგუა და პროფ. რუბენ ენოხი. გამომცემლობის რედაქტორები — თემურ ამყოლაძე, ელგუჯა თავბერიძე.

პროფ. ავთანდილ ნიკოლეიშვილის მრავალწლიანი შრომის ნაყოფი — „ებრაული თემა ქართულ მწერლობაში“ დიდებული ნიშანია ქართველი ებრაელებისადმი ქართული მწერლობის არა მხოლოდ ყურადღებისა, არამედ თანადგომის.

ავტორი ნიგნის შესავალში წერს: „სამწუხაროდ, ქართველ მწერალთა თვალთახედვით აღქმული და წარმოსახული ებრაული სინამდვილე დღემდე არ ქცეულა მონოგრაფიული შესწავლის საგნად.“

წინამდებარე ნიგნის მიზანია, რამდენადმე მაინც შეავსოს ზემოთ აღნიშნული კუთხით, ჩვენს ლიტერატურათმცოდნეობასა და ისტორიულ მეცნიერებაში არსებული ხარვეზი და ხსენებული საკითხებით დაინტერესებულ მკითხველს ნათელი წარმოდგენა შეუქმნას იმ დამოკიდებულებაზე, რასაც ქართული მწერლობის ცნობილი წარმომადგენლები ავლენდნენ ებრაული თემისადმი.“

პროფ. ავთანდილ ნიკოლეიშვილს უზარმაზარი შრომა გაუწევია. ქართულ მწერლობაში ებრაული თემის შესწავლას იგი იწყებს მეცხრე საუკუნიდან და მოდის რევან მიშველადის შემოქმედებამდე. ნიგნში ებრაული საკითხის შესწავლის მიზნით განხილულია იოანე ბატონიშვილის, გიორგი ავალიშვილის, ილია ჭავჭავაძის, აკაკი წერეთლის, იაკობ გოგებაშვილის, ნიკო ნიკოლაძის, სერგეი მესხ-

ავთანდილ ნიკოლეიშვილი
ებრაული თემა
ქართულ მწერლობაში

ის, ანტონ ფურცელაძის, ზაქარია ჭიჭინაძის, შიო არაგვისპირელის, დავით კლდიაშვილის, ვასილ ბარნოვის, შალვა დადიანის, ნიკო ლორთქიფანიძის, მიხეილ ჯავახიშვილის, გრიგოლ რობაქიძის, მარიამ გარიყულის, კონსტანტინე გამსახურდიას, ტიცვიან ტაბიძის, ირაკლი აბაშიძის, ჭაბუა ამირეჯიბის, ლევან მილორაგვას, ნოდარ დუმბაძის, ოტია იოსელიანის, რეზო ჭეიშვილის, რევან მიშველადის შემოქმედება.
ნიგნს ახლავს რეზიუმე ინგლისურ ენაზე.

"ხეცხეის, ისხოიისა და თოიის სახითხები. XXIV"

თბილისის სახელმწიფო უნივერსიტეტი
Tbilisi Iv. Javakhishvili State University

კულტურის ისტორიისა და თეორიის საკითხები XXIV
(ებრაული კრებული)

The Question of the History and Theory of Culture XXIV
(Jewish Miscellany)

ივ. ჯავახიშვილის სახ. თბილისის სახელმწიფო უნივერსიტეტი განაგრძობს ჩინებულ წამოწყებას — გამოვიდა კულტურის, ისტორიისა და თეორიის საკითხების XXIV ტომი ებრაული კრებული. კრების მთავარი რედაქტორია ისტორიის მეცნიერებათა დოქტორი, პროფესორი გურამ ლორთქიფანიძე. ტომის რედაქტორი როლანდ ბურჭულაძე, სარედაქციო კოლეგიის შემადგენლობაში გახლავან: ჯ. აჯაიშვილი, რ. ბურჭულაძე, ნ. გოისაშვილი, კ. კაკიტელაშვილი, გ. ლორთქიფანიძე, თ. მახარაშვილი, ი. ოფირი (ისრაელი), მ. ქერივიშვილი, დ. ყოლბაია (პოლინეთი), ნ. ჩიქოვანი, გ. წერეთელი. ტომში დაბეჭდილია ნინო გოისაშვილის „მესიანიზმისა და სიონიზმის ურთიერთმართების საკითხისათვის“, ინგა ზაბახიძის „ისრაელ იორდანიის საიდუმლო მოლაპარაკებები 1947-1949 წლებში.“ ზურაბ ჟვანიასა და გურამ ლორთქიფანიძის „საქართველოში ებრაული გალუთის ამსახველი ახალი მასალები“, ებრაელების საქართველოში (დოკუმენტების ნუსხა), ნისან ბაბალიკაშვილის „ებრაული წარწერები საქართველოში“ და რონალდ ბურჭულაძის წერილი ონომასტიკის საკითხებზე.

დამფუძნებელი და გამომცემელი: გურამ ბათიაშვილი, კოტე აბაშიძე
თბილისი, ლეონიძის 11ა, ვახტანგ VI ქ. №30
ტელეფონები: 99.90.96, 77.20.57



რეგისტრირებულია ქ. თბილისის მთაწმინდის რაიონის სასამართლოს მიერ.
რეგისტრაციის № 4/1-921



რედაქტორი გურამ ბათიაშვილი